

छापवा वाला

निरमाण सोसाइटी

www.mewari.org.in


nirmaan
empowering communities



आपणी भूल
आपणा हातां मूं
हुदर जावे, तो
यो गणो बड्या
हे, नितरे दुजा
वीं भूल ने
हुदरे



जामण
आपणो मेवाड

जलवरी ॐ मार्च-2022

कुसुम ओजना ऑनलेण रजिस्ट्रेशन: रास्तान सोर उरजा खेती को कनेसण को फारम

भारत मे करसाणा की हाक की पीलई के बाते बरका के भरोसे रेणो पड़े। जणी बाते कदि कदिक करसाणा की हाक खराब वे जावे अन वॉने रिप्या कोड़ी को नंगसाण उठाणो पड़े।

अणी बाते रास्तान सरकार आपणा राज्य का मनकां के बाते घणी ओजना चालु करती रेवे काँकी राज्य का मनकां के मुनापो मले अन वटा का मनक खुद आत्म निरभर बण सके। रास्तान कुसुम ओजना कन रास्तान कन रास्तान सोर उरजा पंप ओजना भी एक अरसी ओजना हे ज्यो करसाणा के बाते चालु किदी तकी हे जिमें सरकार सोर उरजा मूँ चालबा वाला सोलर पंप करसाणा के बाते देई।

कुसुम ओजना ऑनलेण रजिस्ट्रेशन 2022

केन्द्र अन राज्य सरकार दुई मलन लमसम 3 करोड़ डीजल अन पेट्रोल ऊँ चालबा वाला पीलई का पम्प ने सोर उरजा मे बदेली। काँकि सोर उरजा को पंप दूरजऊँ मलबा वाली उरजा मूँ चाली। रास्तान कुसुम ओजना रास्तान का करसाणा के बाते घणो जरुरी हे। अणी ओजना के मईने सरकार करसाणा का खेता में सोर उरजा का पंप लगाबा के बाते राजी करी। अणी ओजना के बाते सरकार सरु में 50 करोड़ का बजट की गोसणा किदी।

रास्तान सरकार यो नरणे लिदो हे के आबा वाला 10 साल मे 17.5 लाक डीजल पम्प अन 3 करोड़ खेती मे काम आबा वाला पम्प ने सोर उरजा में बदलणा। साल 2020 – 21 का लेका जोका मे राज्य का लमसम 20 लाक करसाण अणी ओजना में सोर उरजा का पम्प लगाई। कुसुम ओजना 2022 को खास लगाव: कुसुम ओजना को सुभारंभ भारत का वितमन्तरी श्री अरुण जेटली जी ने केन्द्र सरकार मे किदी। अणी ओजना को खास मकसद करसाणा ने कम रिप्या मे सोर उरजा पंप देवाणो। अणी ओजना ने रास्तान सरकार सोर उरजा पंप ओजना का नाम ऊँ भी जाणे। अणी के बाते सरकार एक अधिकारिक वेबसाइड बणई हे।

कुसुम ओजना रजिस्ट्रेशन रास्तान

कुसुम ओजना 2022 को मकसद :- अणी ओजना की सरुआत मे मकसद खेती के बाते सुविदा देणी, काँकि करसाणा ने कम बरका के बाते हाक के नंगसाण ने उठाणो पड़े। काँकि भारत मे घणा अस्या राज्य हे जटे आकुई साल कम बरका वेवे। अणी हारी बाता ने देकता तका केन्द्र सरकार ने परदानमन्तरी कुसुम ओजना 2022 की सरुआत किदी जिको मकसद करसाणा ने मुक्त मे बिजली देणी। ओरी भी करसाणा के खेती मे पीलई करबा के बाते सोर उरजा की भी सुविदा देणी हे। अणी दुई सुविदाऊँ करसाणा ने घणो मुनापो वेई अन वॉका घर का लेण देण मे घणो सुदार वेई।

रास्तान कुसुम ओजना मे मुनाफो : अणी ओजना ने सरु करबाऊँ करसाणा ने घणो मुनाफो मलर्यो हे काँकी सरकार अणी ओजनाऊँ करसाणा का खेतों मे सोर उरजा मूँ चालबा वाला पम्प लगाबाऊँ खेतों की पीलई बड्या वे जावे। अबे करसाणा ने खेतों की पीलई के बाते लाइट के भरोसे ने रेणो पड़े काँकी सिचई पम्प सोर उरजाऊँ चाली अन करसाण दन में ई पाणत कर नाकी। अणी अब्यान में छूट की रासी को 30% केन्द्र सरकार, 30% राज्य सरकार, नाबार्ड मूँ 30% अन करसाण तो खाली 10% रासी देई।

सोर उरजा की मशीन लगाणी वेवे तो- जणी करसाण के आपणा खेत में सोर उरजा की मशीन लगाबा का बाते बैंक मूँ लोन लिदो तको वेवे वो करसाण अणी मशीन के जरिये सोर मूँ हेली उरजा पेदा करन सरकार में लोन की किस्त जमा करा सके। अणी ओजना को फायदो खाली रास्तान का मनकाँ का बाते ईस हे। अणी ओजना में डीजल मूँ चालबा वाला 17.5 लाख सिंचई पंपों ने सोर उरजा मूँ चलाबाऊँ बिजली की बी बंचत वेई। सोर उरजा की मशीन लगाबाऊँ करसाण आपणा खेतों में पाणत होरी - होरी कर सके।

सोर उरजा मूँ चालबा वाली मशीन ऊळडी जगों पे लगाई जणिऊँ करसाण की निपजाऊ जगों खेती के बातेई काम में आवे अन ऊळडी जगों मूँ बी कमई वेबा लाग जावे।

रास्तान सोर उरजा को ओनलेण फारम कस्यान भरे-

कुसुम ओजना में फारम कुण - कुण भर सके- सबऊँ खास योग्यता या हे के कस्यी बी ओजना में फारम भरबा का बाते वो भारत को रेबा वालो वेणो छावे। सोर उरजा की मशीन लगाबा का बाते आवेदक आवेदन किदो तको वेवे अन 0.5 मेगावाट ऊँ 2 मेगावाट तक की मशीन लगा सके। अन अतरा वाट की मशीन लगाबा का बाते कमूँ कम 2 हेक्टर जगों वेणी छावे। आवेदक ने सोर उरजा की मशीन लगाबा का बाते हारोई खरचो सरकार देई।

कुसुम ओजना में आवेदन करबा के बाते जरूरत का कागद- अणी ओजना में फारम भरबा का बाते आदार कार्ड वेणो छावे। रेवास का पता का बाते जस्यान बोट देवे ज्यो कार्ड, कोपीन, आवेदन की फोटू कोपी, सरकार को परमाण पतर, जगों की खाता नकल, मोबाइल नम्बर, बैंख खाता नम्बर अन आवेदक को आपपोट फोटू।

कुसुम ओजना में आवेदन कस्यान करे- कुसुम ओजना में आवेदन दोई तरेऊँ कर सकाँ: ऑनलेण अन ओपलेण। ज्यो करसाण किंकेई खेती करबा जस्यी जगों हे अन वो सोर उरजा लगाणो छावे तो ईका बाते बी वो अणी ओजना में आवेदन कर सके। अन वाँ हारई आवेदन करबा वला अन सरकार ज्याने चुण्या तका हे वाँका नाम की सूचि आरआरईसी की परमाणित वेबसाइट पे लोड कर देई। जणिऊँ गेणे वाली जगों वालो मनक बी आपणो नाम देक सके के वाँको नाम अणी ओजना में आयो के ने आयो। अन फारम भरबा वालो कस्यी बी जगों पे यो सोर उरजा लगावा का बाते जगों किराया पे लेबो छार्यो हे, वो मनक अणी सूचि में नाम देकन सम्परक कर सके। ओनलेण फारम भरबा में तो फारम भरबा वालो फारम भरती दाण एक आँकड़ा मेली अन फारम भरबा वाला ने एक एजिस्टेसन की रसीद मेली। ओपलेण आवेदन स्थिति में फारम भरबा वाला ने रसीद देई जणिने हमाळन राकणी। आवेदक का हारई गवा बी जमा कराणा पेड़ी तोईस अणी ओजना को फाइदो मेली।

आवेदन कस्यान करे-

कुसुम ओजना 2022 में फारम कस्यान भरे - अणी ओजना में सोर उरजा लगाबा का बाते फारम भरबा वालो नीचे लिक्खा तकी कारवाई मूँ फारम भर सके।

- सबऊँ पेती आवेदन करबा वाला ने सरकार सरू किदी तकी वेबसाइट पे जाणो पेड़ी।
- अणी वेबसाइट पे जाबा का केड़े स्क्रीन पे होम पेज खुल जाई।

• होम पेज पे ओनलेन फारम भरबा को खानो आई।

• पचे आवेदक ने अणी खॉना में ज्यो बी जाणकारी पूँती तकी है जस्थान आवेदक को नाम, पतो, आदार नम्बर, फोन नम्बर ये हारई सई भरणा हे।

• ये हारी जाणकार्या भरबा का केड़े आवेदक ने सबमित वाला खॉचा पे जान बटण दबाणो।

• या जाणकारी भरबा का केड़े सरकार ज्याने चुणया तका आवेदकाँ ने सोर उरजा लगाबा का बाते 10% रिप्या जमा कराबा के लिये केई।

• काँकी बाकी 90% रासी सरकार देई। या सब परकिरया वेबा का केड़े करसाणा का खेतॉ में सोर उरजा की पलेटॉ लागी।



कुसुम ओजना में आवेदक की जाणकारी –

• आवेदक कुसुम ओजना में आवेदक की सूची देकणो छवे तो वणिने सबऊँ पेल्याँ सरकार की खास वेबसाइट पे जान बटन दवाणो।

• अस्थान करबा का केड़े कम्प्युटर में होम पेज खुल जई।

• होप पेज पे कुसुम ओजना में आवेदन किदा तका की लिस्ट देकबा को खॉचो आई अन अणी खॉचा पे विलाक करतई चुणया तका आवेदकाँ की सूचि खुल जई।

• पचे अणिमें आवेदक आपणो नाम आराम मूँ हमाळ सके। अणिमें आवेदक ने वणिकी जाणकारी को पतो चाल जई।

कुसुम ओजना रास्तान का मनकाँ का बाते लाब कारी साबित वी तकी हे। अणी ओजना में करसाण आपणी हाक की पाणत दन में बी कर सके हे। पेल्याँ मनकाँ ने लेण के भरोसे रेणो पड़तो हो पण अबे अणी ओजना की सरुआत मूँ करसाण बड़या पाणत कर सके अन वाने लाब बी बड़या मलर्यो हे। अबे करसाण खुद आपणी जरूरताँ पूरी करर्या है काँ की वाँने आपणी फसल का बड़या दाम मलर्या हे। करसाणा की हालत बी बड़या वेगी। कुसुम ओजना ऊँ मलबा वाली सोर उरजाऊँ करसाण बंची तकी लेण सरकार ने बी बेंच सके। अणिऊँ बी करसाणा के आवादानी वेई। अस्थान की सोर उरजा करसाण आपणी ऊळडी जगाँ में बी लगा सके जणिऊँ खेती वाली जगाँ बी हाजी रे सके।

भणबो तो हर

कुई जाणे, पण

कई भणणो,

जो कुई ने

जाणे।

सम्पर्क

निर्माण सोसायटी

पलेट नं. 4, प्रथम मंजिल, जानकी मोहन कॉम्पलेक्स,

उदयपुर रोड़, पाँच बती चौशहा के पास, कपासन, वितौड़गढ़,

राजस्थान-312202, फोन नं.-01476-230014, 9660663776

Email- rajasthanlanguages@nirmaan.org.in

Web- www.nirmaan.org.in